

僧伽吒經卷第四

元魏南天竺優禪尼國王子月婆首那譯

爾時藥上菩提薩埵摩訶薩埵白佛言世尊以何方便令諸眾生悉聞正法佛告藥上菩提薩埵摩訶薩埵言善男子有諸眾生我說生苦而不聽受老苦病苦憂悲之苦怨憎會苦愛別離苦死滅之苦藥上是名一切苦時少眾生聞此法已合掌禮佛白佛言世尊我等亦有死耶佛告年少等汝一切眾生亦歸於死彼少眾生白佛言世尊云何死至佛言善男子臨死之時滅行識風起識轉風起識相應風起善男子是三種風臨死之時動於行識彼少眾生白佛言世尊何等三法臨死之時惱於身識佛言善男子一者刀惱二者針惱三者杖惱是三種風惱切其身彼少眾

生白佛言世尊何者是身佛言善男子身名火聚身名燒然身名愚癡身名崩壞身名刺聚身名丘塚身名水泡身名重擔身名生惱身名老病苦惱身名為死愛別離怨憎會是名為身彼諸年少復白佛言世尊如此之身云何名死云何名生佛言善男子識滅名死福德因緣識起名生善男子名為身者有無量億筋脉相纏身有八萬四千毛孔復有八萬四千戶蟲在中而住彼諸蟲等亦有死滅人將死時諸蟲怖畏互相噉食受諸苦痛男女眷屬生大悲惱遞相食噉諸蟲相食唯有二蟲七日鬪諍過七日已一蟲命盡一蟲猶在如彼蟲鬪臨死不息凡夫之人亦復如是乃至臨終諍鬪不息不畏生苦不畏老苦不畏病苦不畏死苦如彼二虫至死不息凡夫

羊八

十三

衆生亦復如是死至之時賢聖呵言丈夫汝
 作不善汝豈不見世間苦耶不見生苦不見
 病苦不見老苦不見死苦答言如是已見生
 苦病苦老苦死苦汝若見如是苦何不作諸
 善根何故不爲後世樂故修諸善法丈夫我
 復問汝何不作善離於生苦老苦病苦及以
 死苦云何不修正念之觀汝於閻浮提豈可
 不聞捷椎聲耶不見衆生行布施耶不見衆
 生於佛福田種善根子香華幡蓋施佛之時
 汝不見耶如來所有四衆弟子比丘比丘尼
 優婆塞優婆夷於佛法中有此四衆能救苦
 厄賢聖呵言不善丈夫造作如是不善之業
 爾時法王說偈告曰
 見如來出世 聞擊法鼓音 見演說法時
 寂滅至涅槃 見於多衆生 作福者甚少

福能後世樂	何故而不作	爾時彼人以偈答法王言
我愚癡無智	親近惡知識	造作不善業
由欲迷於心	我以多習欲	今受苦痛報
多殺害衆生	破壞和合僧	破壞佛塔寺
愚癡無智慧	口作不善語	呵罵於父母
我以不覺知	自多造衆過	我見所生處
在於大叫獄	於衆合地獄	受於大苦痛
復有阿鼻獄	受無量劇苦	大蓮華地獄
受於無量苦	黑繩大地獄	百千生受苦
於一切地獄	徧受諸苦惱	無數百千劫
受於大苦痛	行於黑暗獄	不見其門戶
復墮火鑊中	展轉受衆苦	復有一地獄
名曰刀劔獄	百千億刀劔	行列在我前
以此割截身	自業受苦惱	非工師所作

羊八

業感自然生 大風吹令起

我應受如是 地獄諸苦惱

見我受此苦 我所有財寶

男女及兄弟 姊妹親眷屬

奴婢作使人 牛羊諸畜生

貪著金銀寶 及精妙衣服

善工畫舍宅 眾姝女娛樂

以此癡心著 香湯自澡浴

頑癡無智身 種種而供養

虛妄心貪著 今日受無量

世間勝上味 貪著而噉食

寶珠以為鬘 貪色自迷醉

眼為惡業因 見已則生貪

聞已則生貪 臂貫以寶釧

咽頸著寶瓔 脚著於金釧

十四

割切徧其身

一切諸眾生

盡留在世間

父母及知識

我意迷於此

貪著造舍宅

笙篴簫笛音

如是自娛樂

我亦無兄弟

苦痛不可盡

香澤以塗髮

今無救濟者

耳因諸音聲

指著金寶環

作金寶羅網

羊八

交絡覆其身

世間第一者

增長於愛欲

種種妙好香

以此自塗身

瞻蔔須摩那

白氎自衣身

為王治國政

善學歌舞戲

作如是等惡

受如是苦報

我以愚癡意

無能救濟者

何不服勝衣

而受於苦惱

羊八

身著種種寶

以為身莊嚴

種種妙林榻

以塗其自身

麝香等諸香

以此塗其髮

若捨白象乘

人眾悉敬重

禽獸在曠野

不知後世報

愚癡無智慧

養育於身命

汝等諸親族

何故自憂突

我命終不存

十五

以此自莊嚴

細軟上妙觸

以自悅其身

梅檀龍腦香

用之自塗身

第一精妙衣

復乘於馬乘

宮中諸妃后

無事獵殘害

食噉他肉故

不知當有死

今日至死門

何用視我為

何故不梳髮

造惡增多故

孤狼烏鵲等	食我此身肉	長養此身體
為諸蟲所食	生死因此身	衆生則有生
應如是投藥	令得離此難	世醫不能治
無人救濟者	今日授法藥	令滅煩惱病
種種養此身	會必歸於死	世間無上尊
救度諸衆生	寂滅諸佛子	亦能救衆生
施諸妙法藥	令遠離生死	食肉長此身
不知諸苦報	長養於此身	無有少利益
此身頑癡聚	不知少恩分	妻妾男女等
目視不能救	怨結心悲惱	啼哭而號泣
妻妾男女等	不知其恩力	長養得成立
無能救濟者	絕望無有知	憂愁入地獄
衆生生有苦	後則有死苦	想行觸受等
是則為中苦	愚癡愛所轉	生在於諸有
為愛欲所縛	樂著於境界	衆生無知故

唯有憂惱苦	善法不識知	心但著名利
不知於後世	猶如惡毒蛇	無明縛衆生
遠離於解脫	不識解脫故	惡業所流轉
心有煩惱故	衆生住生死	煩惱燒衆善
如火焚乾木	流轉於五道	無有少樂受
不知好妙樂	^{羊八} 在於何處所	^{十六} 清淨佛國土
世尊轉法輪	如來淨音聲	說戒定智慧
爾時世尊復告衆上善提薩埵摩訶薩埵言	如是如是惡行衆生命終之後受諸苦惱無	救濟者善果報者今說伽陀
造惡不善業	必入於地獄	吞取熱鐵丸
飲於沸鎔銅	雨火灑其身	徧身體火燒
無處而不徧	展轉受苦惱	不知於淨樂
於法亦不知	愚癡作非法	遠離於樂果
信佛禁戒法	修習於智慧	以淨戒具足

速疾成菩提 精進為第一 生淨佛國土
宣說善法要 攝護諸眾生 具足慈悲心
修行淨梵行 具解脫知見 成如來善名
世間之父母 菩提心第一 說此法門者
第一善知識 聽此法門者 必作無上尊

具世尊十號 寂滅心相應

爾時藥上菩提薩埵摩訶薩埵白佛言世尊
何因緣故大地震動爾時世尊告藥上菩提
薩埵言汝觀何故大地震動爾時藥上觀四
方時見下方界有二十億眾生從地踊出見
上方界二萬五千億眾生同時而生時諸年
少見是事已白佛言世尊今出生者是何等
人佛言汝等見此大眾不耶白佛言世尊唯
然已見佛言此眾生出為汝徒伴問言世尊
此諸眾生亦有死不佛告年少一切眾生悉

皆有死此亦不免時諸年少合掌向佛頂禮
佛足白佛言世尊我等更不能忍流轉生死
佛告年少汝等能起大精進不年少白佛言
世尊我等面見如來耳聞如來說甘露法見
菩提薩埵現大神力見佛弟子諸聲聞眾集
會於此世尊願修精進不能忍受生死流轉
爾時藥上菩提薩埵及五百眷屬以神通力
躡身虛空身出師子猛虎白象現大神通於
高山頂結加趺座滿二萬由旬化作十千億
日月時諸年少白佛言世尊何故世間有此
光明爾時世尊告諸年少善男子汝等見此
日月不耶時諸年少白佛言世尊唯然已見
佛告年少此是菩提薩埵自身光明現作日
月示於眾生為之說法安樂利益一切天人
人中修行得此神通時諸年少白佛言世尊

願說如此光明因緣爾時世尊告藥上菩提
薩埵摩訶薩埵言善男子汝見此三千大千
世界六種震動不時藥上菩提薩埵白佛言
世尊唯然已見我有少疑欲問如來願佛聽
許佛告藥上菩提薩埵言善男子隨汝意問
當爲汝說今汝歡喜過去未來現在三世之
事當爲汝說藥上白佛言世尊我見如來有
八萬四千天子圍繞恭敬復有八萬四千菩
薩亦圍繞恭敬又見萬二千億諸龍圍繞恭
敬復有萬八千億諸天神等圍繞恭敬復有
二萬五千億諸餓鬼神圍繞世尊十八何因緣故
有此衆集爾時世尊告藥上菩提薩埵摩訶
薩埵言善男子在此衆集爲欲聽法藥上此
諸衆生今當背生死今日當得住於十地住
十地已得離煩惱得寂滅佛法藥上菩提薩

埵白佛言世尊此諸衆生雜業所生如來云
何淨此衆生佛告藥上菩提薩埵言善男子
汝今諦聽當爲汝說藥上此諸衆生愚癡無
智不知解脫在於何處多有年少諸衆生等
今日當得法陀羅尼得知一切法得於十地
至十地已能作佛事能轉法輪兩於法兩紹
無上佛法安樂衆生天龍阿脩羅乾闥婆餓
鬼等聞法歡喜皆住十地擊大法鼓吹大法
螺此年少等勤修行故得此十地今所得法
如十方佛爾時五千年少衆生從座而起白
佛言世尊此身為重擔大可怖畏不知道以
非道我等猶如盲冥之人願佛憐愍我等勸
請世尊願佛說法我等生無智慧不知法藥
願世尊爲我等說法今得遠離生死之苦所
生之處願見佛身爾時藥上菩提薩埵摩訶

薩埵語諸年少眾生言汝等食已然後為汝
 演說正法時諸年少語藥上言我不識汝汝
 為是誰色相寂滅離三惡道怖如汝身相離
 諸惡法見汝掌中七寶莊嚴身服寶瓔以功
 德聚我不知汝是何等人我等不須食亦不
 須飲以食入身甚可憎惡變成屎尿作血肉
 筋皮是故我等不須食飲不須一切細軟衣
 服不須臂印金釧真珠瓔珞莊嚴身具皆所
 不欲以無常故我等亦不顧惜身命為離惡
 道我等求於法施為安樂天人為求善知識
 不求轉輪聖王以轉輪王雖主四方不免磨
 滅男女妻子不能隨從所有七寶亦不逐去
 無量人眾亦不隨去於天下無復自在一
 身為王多見無常作惡業故墮叫喚地獄七
 寶自在遊四天下竟何所在仁者且聽我等

三八

十九之二

所說速至佛所佛觀一切愍之如子我等無
 父無母無兄弟親族一切皆無佛為我父如
 來是母佛如日月示人善道於生死中能救
 眾生令不復生諸煩惱河甚可怖畏眾生在
 中煩惱漂溺如來救之令不復入世尊憐愍
 為說正法示人無上菩提之處我等不貪飲
 食不欲世間富貴不願生天不畏墜惡道得
 人身已願見世尊眾眾短壽流轉無常以惡
 業故貪著五欲不覺死至知死必至亦不怖
 畏不念生滅不知細法不知修細業不知寂
 滅界無明覆心生已歸死死已復生心亦不
 生厭離之想長夜受苦鞭撻打不生厭離
 但起劫奪受獄縛苦五縛所繫本惡業故命
 識欲滅悲泣而言誰救濟我一切悉與金銀
 雜寶身為奴僕一切作使我悉能為王位自

三八

二十七之一

在我悉不欲不須財物但求活命如是仁者我等不須飲食諸王自在食則上味會歸於死天食甘露亦歸磨滅種種百味王所貪著求實則無飲食等味我等不須我等求聞正法今得離苦願離愛縛諸結煩惱歸依世尊

三八

三十二

願離諸縛我等敬禮大仙世尊為諸眾生未知仁者名字何等願自說之藥上菩提薩埵言世界廣博眾生名字寧可盡知諸年少言我等願知仁者名字甚深名字願為宣說藥上答言我名藥上治眾生病藥中最上我今為汝等說令離諸病滅除一切世界痛苦世間貪為大病能除滅之瞋為大病無智眾生流轉地獄畜生餓鬼癡為大病眾生受苦皆能滅除諸年少言聞此妙法離諸苦難凡夫無智受諸苦惱聞此淨法離諸惡業離惡業

故無惡道畏速見如來救一切病醫王施藥療治眾苦仁者速去禮敬如來以我等語向世尊說世尊能除我等之病滅煩惱火欲火燒身不能滅除我等極苦願佛憐愍身為重擔甚可怖畏三毒所壓不可得勝去來常擔不能遠離不知死至不生驚怖不知解脫道亦不知示解脫道者以愚癡意自謂不死見父母死猶不生怖諸業煩惱濁亂其心受諸苦惱云何而食我等無明覆心有如是苦大怖重擔想行及受癡愛無智流轉諸有世間妄生不識解脫世人愚癡浴以香湯衣以上服食以上味耳聽樂音種種自娛種種好色樂欲觀之一切好味舌求貪食細軟之觸身欲著之二身和合癡心謂樂此身頑癡何處有樂著好履徒衣服飲食無如之何臨終困

至無有能救自不能救衣服之具豈能救濟
生在世間馳諸象馬當作惡業不求解脫自
作教人不知後報我等前死有生今生有死
憂悲苦惱我具見父母兄弟姊妹妻子喪亡
悲哀憂愁苦惱皆悉見之諸行皆空智者云
何而生樂著不求寂滅法不求離生死法以
貪覆心生在世時不行布施一切過中無過
貪心著於世法多作有行不知修習禪定解
脫之道不知發大誓願成無上道佛是父母
佛是示解脫道者能兩利益眾生愚癡眾生
不知護法發心願求無上菩提名為護法一
切行空財物亦空若觀我空不復受生願仁
者憐愍以我等語具向佛說為諸菩提薩埵
故諸菩薩法不應懈怠勤修精進捨惡行善
仁者為我往至佛所禮敬如來作如是言世

尊知一切法悉無有疑惡魔眷屬佛已調伏
如來已能然大法炬令眾得樂如是之法能
成佛者我等未聞仁者速往佛所為我等故
我等不見如來猶未得度三十二相八十種
好見此身已然後得度爾時藥上菩提薩埵
語諸年少汝觀上方有何等相諸人聞已即
觀上方見五百化佛又見三千大臺七寶嚴
飾七寶羅網以覆其上如蓮華葉出種種香
時諸年少問藥上言此諸華座是何等相藥
上答言此是汝座速至佛所禮敬如來諸年
少言我等不知所行之路不見如來知詣何
方禮敬如來藥上告言汝但禮敬如來世尊
如虛空塵無有住處如來亦如是如來安住
處如須彌山如來等須彌山如大海水三千
世界微塵數等十方菩薩欲求佛住不知所

在十方諸菩提薩埵但遙禮敬諸年少言願
仁慈恩滿我所願心欲見佛親近禮敬藥上
告言如來不求香華爲衆生作因令離生死
惡魔眷屬不共諍論歸依佛者不入死門速
得法陀羅尼發淨心願即得見佛爾時世尊
以迦陵頻伽音熙然微笑從其面門放八萬
四千光明徧照三千大千世界下至十八地
獄上至阿迦尼吒天其光雜色青黃赤白玻
瓈等色如是等光從面門出徧照三千大千
世界遇斯光者一切衆生皆得安樂照世界
已還至佛所繞佛七匝從佛頂入爾時藥上
菩提薩埵從座而起合掌向佛白言世尊我
欲少問若佛聽者乃敢發言爾時世尊告藥
上言善男子隨汝所問如來爲汝分別解說
令汝歡喜藥上白佛言世尊此三萬億年少

欲聽如來微妙深法願爲說之佛告藥上善
男子若聞如來深妙法者當學諸法得具足
一切功德今日即得住於十地能擊大法鼓
建大法幢藥上汝見如是大臺不耶藥上言
世尊唯然已見佛告藥上此諸年少今日得
坐此臺證一切法滿足一切善根之法今日
當得擊大法鼓無量天人得聞法已悉得利
益無量地獄衆生得聞法已得背惡道說此
語時衆中九千億老衆生得須陀洹果藥上
聞此法者得離一切苦具一切善法藥上一
切皆能成就佛身藥上汝觀四方諸大菩提
薩埵爾時藥上即觀四方見東方界五十億
恒伽沙菩薩而來向此見南方界六十億恒
伽沙菩提薩埵而來向此見西方界七十億
恒伽沙菩提薩埵而來向此見北方界八十

億恒伽沙菩提薩埵而來向此見下方界九
 十億恒伽沙菩提薩埵而來向此見上方界
 百億恒伽沙菩提薩埵而來向此到已皆於
 佛前在二面住藥上白佛言世尊於虛空中
 見黑色黃色是何等相佛告藥上汝不知耶
 藥上白佛惟佛如來能一切知佛告藥上此
 是惡魔及眷屬欲來至此藥上汝欲見不藥
 上白佛言世尊我欲見之佛令藥上即見惡
 魔藥上見已白佛言世尊何因緣故惡魔至
 此佛告藥上魔欲亂此法座藥上白佛言世
 尊此諸菩提薩埵為觀諸年少受位故來藥
 上汝見此諸菩薩種種形色種種相貌種種
 力不藥上白佛言世尊唯然我見百千億恒
 伽沙菩提薩埵自在神通而來至此爾時世
 尊說此法已一切勇菩薩藥上菩薩一切老

半八

千四

少衆生一切天人世間阿脩羅乾闥婆聞佛
 所說皆大歡喜頂戴奉行

僧伽吒經卷第四

音釋

貸他代切 噶即委切 釧尺絹切 鎔于封切
借也 躡與驚同 釧尺絹切 鎔于封切
 搯躡瓜切 履所綺切 釧尺絹切 鎔于封切
躡也 履所綺切 釧尺絹切 鎔于封切